





第一一五四册

四庫全書

● 上海古籍出版社

本冊目次

尊	東	涉	義	蠡	附拾
白	塘	齋	豐	齋	
堂			鉛	刀	遺
集	集	集	集	編	詩

宋虞博撰……………一	宋賁說友撰……………一四一	宋許綸撰……………四〇五	宋王阮撰……………五三七	宋周孚撰……………五七一
------------	---------------	--------------	--------------	--------------

欽定四庫全書

集部
尊白堂集卷一

詳校官右中允臣薩敏

主事臣呂雲祿覆勘

謄錄監生臣范重榮

欽定四庫全書

集部四

提要

尊白堂集六卷

別集類三

宋

臣等謹案尊白堂集六卷宋虞偁撰偁字壽老字國人隆興初入太學舉進士累官兵部侍郎奉祠卒其行事不見於宋史而志乘所載頗詳始為績溪令即以治行被薦遷監察御史搏擊權貴朝廷肅然為浙東提刑徙知

欽定四庫全書

尊白堂集

提要

湖州值歲祲推行荒政所全活甚衆蓋亦不徒以文學見長者集中有使北回上殿劄子是又嘗銜命使金考金史文聘來奉和元年三月乙亥宋試刑部尚書虞偁泉州觀察使張仲舒等來報謝即其事也偁慕白居易之為人以尊白名堂并以名集其讀白樂天詩云大節更思公出處寥寥千載是吾師生平志趣可以想見故所作韻語類皆明白顯暢

不事藻飾其真樸之處頗近居易而粗率流
易之處亦頗近居易蓋心摹手追與之俱化
長與短均似之也然如除日獄空春蠶行及
勸農禱雨喜雨諸篇愷切慈祥詞意懇到足
以驗其心勞撫字固不當僅求之吟咏間矣
集中古文僅存制誥劄子二體已不免多所
散佚而辭命溫雅議論詳明於當時廢弛積
弊言之尤切其意亦頗有所取者採陳貴誼
原序集本二十四卷今從永樂大典中採掇
哀次釐為詩四卷文二卷錄而存之亦所謂
布帛菽粟之文雖常而不可厭者歟乾隆四
十六年三月恭校上

總纂官臣紀昀臣陸錫熊臣孫士毅

總校官臣陸費墀

原序

紹定己丑秋八月武岡守朝請郎虞君衡遣介奉一編
書謁余序其首啟而視之曰尊白堂集乃其先人兵部
侍郎諱傳字壽老所作也卷二十有二詞制奏議之卷
七詩之卷十五衍裕雅重根柢經術緒密思清非苟作
者獨未諭尊白之意何謂也侍郎平日常曰韓魏公有
醉白堂坡公有我似樂天之句此吾所不敢唯知尊之
敬之故扁以為堂吁安得此長者之言哉宜其詞章粹
厚不迂有樂天之遺風也唐史臣贊樂天謂其最於詩
今侍郎詩亦獨到蹟之者知其為莊士雅人所謂畧無
杜牧之所識者顧乃扁而尊之可謂庸於取名矣歷事
三朝出藩入從始終全德使獲盡展所蘊功業克就則
賡醉白之歌又將與魏同志而惜其不盡著也武岡守
繼家學政和惠知其親之善願而傳之有足嘉者抑嘗
因是以觀白公之為人位不登乎丞弼功不著乎鼎鼐
而百世之下殊勛偉業名德文學之序率願尚友慨慕

而不可得是其可尊者必有出於文章事業之外覽者
邇其原焉可也朝請大夫權刑部尚書兼直學士院兼
修玉牒官兼侍讀長樂陳貴誼序

欽定四庫全書

尊白堂集
原序

二

欽定四庫全書

尊白堂集卷一

宋 虞傳 撰

五言古詩

暇日邀王天任諸公遊南坡天任有詩因次韻
梅黃收宿雨山綠呈層巒高軒陰修竹朱檻俯流泉雅
致軼天外俗物無眼前笑人聲利場蛾眉競爭妍半生
政坐拙州縣空迴旋自視甘寂寞何心慕華鮮南坡吾
莞表杖屨有厚緣暇日領佳客頗辦沽酒錢愧無絲與
竹後堂欠彭宣何以作談笑賴有茲山川送鴻煩遠目
落鴈驚虛弦門徑迴俗駕山澤非臞仙劇談交玉麈醉
吟飛彩牋榴花媚紅皺李實薦翠圓相忘忘諧謔小謹
畧踈拳茲遊無可紀須君賦長篇

再和

我詩苦艱澁寒步太行巔筆乾硯欲裂何地覓湧泉巧
匠愧傍觀袖手不能前敵帚徒自珍捧心豈成妍辟舍
不獲命屬難試周旋君詩巧層出沍露晨花鮮前輩惜

尊白堂集
卷一

波瀾後生敢並緣平生程不識數不直一錢五色爛摩
尼八音和相宣挹袂庾開府拍肩揚盈川每餐必中的
矢脫無空弦我蓋三復之飄飄意欲仙此計太冷淡浪
費五彩牋不如醉紅裙且聽歌喉圓況當荷傾蓋豈待
栗過麥徐看騎鯨伯一斗揮百篇

再和

雨驟頻垂脚山高故隱巔南坡幾斷路平地怪流泉猿
鶴誰為伴鳬鴻亦墮前梅黃雖借潤榴火漫呈妍人世
欽定四庫全書

卷一百一十五

三

隙駒過天形磨蟻旋雲容愁暮合霞彩望朝鮮已負杖
藜約宜修香火緣江山如得助風月敢論錢今日苦不
樂此情誰與宣高歌懷杜曲晚賦擬樊川屋破時懸溜
弓驚不受絃好邀沽酒伴却羨泛舟仙竹色杯中綠花
光筆下牋左持還有蟹右重更成圓自笑牛刀割難安
鷄肋拳補天非我事聊爾繼新篇

再和

君家有西園望我南山巔觴詠繼曲水花石希平泉長

溝流砌下遠岫列楹前春風一披拂百卉為渠妍迨茲
夏日永杖履宜盤旋梅黃已過雨清潤霽景鮮主人雖
好事欲往無由緣似聞三徑深日夜長苔錢行當載酒
過高情與君宣飛鴻渺天末浴鴛來平川良辰恐易失
勿待月下弦前若坐中看俱是桂堂仙酒豪倒金壺詩
健輕華牋琴弄朱弦古碁評寒玉圓君才尤中的霜鶴
無空拳謹復記幽會春容看大篇

和姜總管喜民間種麥

欽定四庫全書

卷一百一十五

三

腰鑱刈晚禾荷鋤種新麥田家競作苦蒸豚勞歲夕翠
浪慳初懷黃雲期後獲晴暖得天時肥瘠隨地力勝欲
觀風謠未暇履阡陌寧唯餅餌香庶免鞭笞責擬踏青
州麴釀酒邀佳客

病起據案無緒輒書二十五韻呈薄尉

祇從來異鄉瘧鬼巧伺便寒熱四五行大小六七戰初
如踞陰壑赤身卧水霞繼若燭紅爐虐焰工煨鍊先生
但堅壁高卧觀物變謂我則忘吾日舍其猶傳童子更

進藥先生強起熬摩鬼航擲揄醫工何瞑眩忽然汗四
出心愧頗有覩湏史逗清涼輕健欲舞打傘唯疏枕單
便覺美餽餽氣和疾自去福至禍亦轉我生多隻刺縣
尹劇卑賤王事有期程私室敢安宴日出事還生孤游
無一援訟牒猶山積患拙費裁刺催科正火急日夕埃
訥謹督郵顧小忍斗米那可應彈琴不復夢據案敢告
倦仇梅二友生灑落邦之彥頗復相料理何嘗語遊行
城南萬荷花浣溪錦一片涼生雨初過香度風微扇碧
欽定四庫全書

蘇白堂集

四

筓筓亦易辨白墮儂可薦詩以代折簡辭分非黃絹

除日獄空唯欠租監繫頗衆因悉縱遣之期以

開歲五日畢來因記東坡先生倅抗除夜直都

廳囚繫皆滿題詩壁間輒用其韻

松牒日已稀私幸庭無留胡不了租稅顧為此拘囚僅
料迫星火對案亦包羞作苦念田家歲莫得少休烹酒
會鄰里盍歸與婦謀刻期亦人耳吾其反自修

病後有感作

今旦病思清把書坐噴簷體舒百息勾心遠萬慮恬收
視等庖郭妙觀到最尖頓忘饑寒苦但覺中邊甜冒氣
尚稍稍自喜良沾沾故家東堂書高架紛懸載我時且
兒子氣欲俱并兼澆着胃次問政爾意不廉此意竟蹉
跎衰遲侵戰髯過來又留滯鬱鬱三年淹是秋節物高
露白原草霑斜河轉空潤夜氣方森嚴此日足可惜黃
塵滿征裾明年會當歸亦未薦白鹽緒經慰老眼甘作
書蠹潛共嘲玄尚白指笑突不點亦知屠沽兒羔豚方
屬餐

欽定四庫全書

蘇白堂集

五

和張伯子韻

士流競彈冠州牧紛勸駕器識在所先文藝乃其亞揭
來同抱關因得奉餘暇軟語雜嘲謔小酌見蘊藉官禁
不遁風門鍵那容游豹斑縱未窺鯨背幾思踏君來怪
已三我到嗟方乍前頭萬木春當戶三星夜棄甲勿復
來背城寧一借新詩抵驪珠歸囊何妨託

詠麥

平生笑盜僞口誦青青麥刻燭和新詩此夕知何夕六
花來未晚三白會有獲雨暘亦天事勤惰繫人力何妨
縱牛羊況已過隴陌青黃未交時補助豈無責我亦念
歸田聊作數句客

和姜總管送別

富貴如浮雲于我初何有轉徙浙東西僅足餬其口去
年在吳興民物猶未阜賑荒事方殷奚暇詩與酒今年
到東陽政成不待久邂逅遇詩仙襟抱得細剖切磋愧

欽定四庫全書

卷一百一十五

六

子貢起予幸魯與琮琤蒼玉佩闌鍵黃金鈕擬學西子
聲益愧鄰女醜賡酬強追逐要是非敵手目短曹劉牆
氣輾鮑謝固我如武成策第可二三取山澤多蛇龍松
栢無培塿緬懷南澗老斯人骨已朽人事真好乖又假
蘇臺守遯辭山水邦暫缺雲龍耦酒罷雨沾裾船開山
入牖似鶴出樊籠如魚脫窠臼分袂却聞情鼓棹猶回
首長篇肯贈我字字炳星斗願保歲寒心莫愧金石友

和寧國守沈祭院九月嚴霜十五韻

九月十月交卦應西北乾少昊猶執矩玄冥遽行權慶
元敦牂歲夏無雨暘愆早禾既有秋人斯望有年晚稻
亦懷新穎實相接連不問東南畝寧分左右肩嚴霜忽
早降節候無餘晷黃熟乃無日青乾空在田殆不如稊
稗那敢詠好堅造物豈棄遺繫時失後先農夫亟欲訴
有司不謂然課無責之有何異挽其咽使君惻念官
租為渠蠲作詩寬彼憂至哉仁人言幸甚宣城民信乎
有二天

欽定四庫全書

卷一百一十五

七

冬至念母

兒行十里程母心千里逐昔者子曾子不忍離一宿今
我獨何為旅食久輩數來時月中秋坐待陽初復薄命
難推挽闊步窘邊幅慰藉藉煩友朋栖遲愧僮僕畫餅唐
生相說河嚴子卜世態方奔競人情慮反覆夫豈不懷
歸所惡在欲速眉壽翠濤春洞庭霜橘熟亦足盡歡
何必此微祿

秋日同官遊聖感寺晚飲范公亭分韻得須對

二字

招提城東隅勝集僚友俱腐儒元自臘午飯厄齋孟不
如計一醉況有高陽徒小秋頗解事鷄鶩營庖厨我歸
與婦謀但問酒有無婦言有斗酒待子不時須

木末好風來山頭涼月朏快哉城上亭登臨吾亦再堂
堂文正公精神凜猶在孟行且停飲四座俱起酌義氣
激余衷豁若挹沆瀣此夕飲也清且無俗子對

次早再出

欽定四庫全書

華白堂集

八

晨起候鷄鳴我車催發軔列炬犯星微衣襟蒙霧潤將
迎恐後期奔走追前進拭面愧蠅塵墊巾憐雲鬢吾年
已如此世態何當徇曷不歸去來榮枯才一瞬

秋雨數

少昊欲行秋驕陽猶跋扈炎蒸不易滌頗費天公雨浸
淫三日霖雲氣政旁午所慮早禾傷佳實卧場圃翻思
向來旱詔生塵土矯首望雲霓一滴如膏乳及茲收
斂際反以多為苦蒼蒼匪天歟惻怛羣物祖怨咨尚未

免是非何所付會當返秋陽新晴照區宇永實趣登場
不特盈我庾荷擔賴肩歸亦足慰田父黃鸝能漸肥紅
酒幸可酤持用答豐年造物償復許

和張文潛有所嘆韻

老驥困鹽車四足若有絆鸞鳩搶榆枋控地不能遠我
本田家子釋耒事游宦少壯耻干請老大誰推挽撫字
亦徒勞催科寧趣辦於心儻無愧此首何妨俛財由政
事足軻也豈好辯苟得而富貴孰若甘貧賤

欽定四庫全書

華白堂集

九

和陳倅留題奉聖

飛鴻渺天末目送鵬中散謫仙負詩狂直欲摘星漢白
雲于丈岑金碧美且煥忘言老瞿曇祇作空花觀軒冕
儻來耳世事亦其漫驚鳳在赤霄寧肯就絳繯惟餘憂國
心撫事輒悲怨飢饉有流離十室九不甞上動黃屋念
每日不遑肝公豈愛登覽微意寓篇翰山僧遞傳似字
字如珠貫勸分豈無術未必愧鞭笞升斗倘均惠溝壑
庶少追福星公恐是疇復虞歲早王事敢告勞行役春

過半鬚絲禪榻畔綸巾時一岸溪山得勝賞歌舞廢屢
按請頌海沂康民謠茲可翫

和陳倅遊石門弔瞿剛先生

我坐南坡上高鴻忽飛去指點夕陽外文眷蓋其處

原注

僕家南坡之西
政見文眷山

下有奇洞府有道乃宜據鹿裘坐石室

先生豈真騁儻是我輩人傲視非所慮桓溫汝何為乃
欲效三顧姦心豈窺鼎未見神合沮獺鶴亦汝羞未易
飲食舉伏滔不自重且為溫所遇贊詞縱云美所耻非

欽定四庫全書

卷一百一十五

十

所慕邇來賢別駕物外欲軒翥功名恐未免溪山亦已

飫五字識巖石千載想風馭神交付冥漠心契自平素

蒼苔留履跡飛花約歸路先生還一笑晴雲為披絮

林子長見示悼鶴之詩若不能釋然者因次韻

以廣其意且於鶴不能無責焉耳

君家青田安見之毛骨寒方當秋露警遽迫夏景殘年
來縱飲啄意外失防閑推與不具眼斃之于汝安竹林
有餘陰荷塘豈不寬正坐出門誤寧虞行路難因思出

處理士君子惟艱方其窮居時孤進無還丹山林欲長
往鍾鼎夫豈慳一朝隴書至條若登天翰肉食無遠謀
伐檀譏素餐失身墜戰辱無乃侵與姦逐克牽黃犬東
門那得還竟死咸陽市慟哭何辛酸丹塗布衣願恨不
嗣與管富貴履危機懷望扶搖搏世事亦墮甌天理真
循環向來京口銘俯仰成悲歡世無薛公筆想像付永
歎

和萬元亭舍人送茂實

欽定四庫全書

卷一百一十五

十一

吳興魚稻鄉來視刺史印適丁饑饉後倉廩無餘蘊當
饋不下嚙寧望饌中雉年來稻如雲便覺搖其吻豐年
百物熱天意毋寧斯君侯有佳惠裝實菜光潤東山願
不違南蕩居其近此物舊知名

原注烏鰂
鰂頭有名

採擷手自引

剖蚌訝珠還泣蛟疑淚迸軟溫新剝肉釘鈕初嘗醢遺
我水之濱此意君其問

七言古詩

和王天任喜雪

姑射之山果何如往者吾言聞接與肌膚水雪能綽約
是中知有神人居神凝自使年穀熟況有疵癘煩驅除
乘雲四海聊戲劇磅礴萬物同慘舒至哉河漢已無極
俗士區區窮尾閭

我家四壁真相如展興欲出無車與獨騎瘦馬南坡下
聞風十二仙人居書生一朝忽富貴瑤林瓊樹環玉除
梅花失喜為三白一枝放我眉頭舒春風醉眼紅綠亂
爾時獨醒如三閭

欽定四庫全書

蘇詩卷一

七

送隱靜菴老

妙喜老人骨應槁明月堂堂迹如掃叢林耆舊半消磨
砥柱頽波餘此老五峯深處開道場道價重於連城寶
我蓋知名二十年長恨識師之不早竭來陵陽第二峯
一笑相從即傾倒午牕對坐語笑清夜榻歸來魂夢好
大顛理勢恐是渠澄觀公才何足道青衫我亦行作吏
未盡俗緣多病惱相期業父早掉頭共住山中拾瑤草

和中本留題照石詩

故人別來知幾年怪我相逢鬢髮白看鏡功名不用頻
蒼苔偏教留行跡蚤知字定發天光未聞終日介如石
此理昭然何足疑來詩併遣鶴崖壁

贈孫尉姑蘇紫石鉞孫有詩次韻

吳儂生長水與雲不採蓮花拔蒲根窮山鑿石出奇怪
顛坑仆谷無寒溫宣和倖臣以佞進橫江花石如雲屯
造化有此誠瘡痍奈何浮靡誇朴敦守令謀求星火迫
州縣驚擾河溝醜舉觴離醕斟子我欲從之以為昆
欽定四庫全書

蘇詩卷一

七

爾來創作短尾鉞形模簡古得全渾遺君日以烹龍鳳
要和松風瀉滂浚彌明譏評二子魄盧仝風味千載存
披攬胸中萬卷富傾動筆下三峡源可憐長安貴公子
飽餐茹芝饜河豚豈知是有佳趣目方忤視手不捫
武夫丁字且不識一破擬落天驕魂平生攘臂咤飛石
唾取青衫明主恩書生調度清且苦臭味不同誰與論
祝君勿造羊羹污以友石供古銅盆

食後過竹堂風雨遽作賦所見

雲氣四蒸雷蓄怒山雨一來風借助
抱頭乳燕窺低簷
噤口黃鸝在深樹竹園萬樂齊驚呼
老松不動如亞夫
何人筆端帶三昧畫作竹堂風雨圖

監學同舍錢南康新使君黃雅文分韻

人生五馬古云樂今君此行殊不惡
君才自是瑚璉器
十載聲華滿臺閣胡為忽厭東華塵
一麾要把江之濱
聞道豐登少公事姑與匡廬作主人
到郡莫辭譏屢費
政恐朝來多爽氣山中向有讀書人
為問歸來頭白未

欽定四庫全書

卷一百一十五

十四

成均同舍錢別新安使君徐子宜太丞分韻

我昔絃歌乳溪側嗟哉所割真鷄肋
斯民疾苦得飽諧
離彼三年能記憶丁男箇箇事播殖
紅女家家勤紡織
可憐卒歲無完褐縱使豐年有菜色
夏稅未畢秋稅來
縣家小緩州家逼拆東補西恐不免
剝肉醫瘡寧有極
小儒安敢私其民上官貽怒幾遭劾
痛定還思當痛時
至今夢裏猶心惻歛為富州傳自舊
誰以留州事奇刻
徐侯固是清廟器撫摩暫遣亮熊軾
朝廷選用蓋不輕

祖帳衣冠傾上國德星往矣勿復道
田里從茲無嘆息

同舍錢新淦陽使君范子由寺丞于成均芳潤

軒分韻

憶昔飛鳧來上國作縣聲名動宸極
今朝頗怪空馬羣
十年所得真鷄肋笑指淦陽有佳處
手把一麾留不得
醉翁相望百年間耶耶自此添顏色

食墨魚有感

誑人吐盡胸中墨不料反為人所不得
禍變之來非所慮

欽定四庫全書

卷一百一十五

十五

僅與詩人供一筋韓非竟以說難死
揚惲詩成汗刀机
子雲嗜學甘寂寞晚年奇字終投閣
撐腸文字五千卷
不救顏回忍飢面三年博士冗不治
半生鉛槧寧非癡
老兵兩眼不識書飽食高眠我不如

次韻漢老弟假山

虛空吏散無公事一枕清風供午睡
列仙之趣渺何許
化蝶翩翩可坐致夢中意行不識路
神前那有車乘豎
立壁延緣蘿蔓綠滑往行視莓苔翠
南遊忽到九疑峯

竹痕斑斑湘淚簫韶聲斷蒼梧雲石上虛餘千古意
回鑣斜經少昊墟閭風縣國窮幽遠崑崙銅柱高隱天
河流九曲東南被高堂遠蹠得我驚二華巨靈留鼎屬
三丘却轉問勾芒首冠連蹠誰所置蓬萊浪自弱水隔
俛仰之間興已寄傳聞有棗大如瓜一笑安期方指示
惡風驟起吹船回未悟此身在平地髮鬢衝鼓忽驚覺
起來恰見羣兒戲疊石亭前作假山列嶂層峯生說異
有如中怒互擎攫或似畫眉相嫵媚神嫵獅子豈其朋
欽定四庫全書

卷一 堂集

七

伏虎卧馳非若類珠屏九摺地不惜西柱一峯天所棄
眼中乍見已堪賞夢裏曾遊俱可誌連荷濯水瀑泉飛
薄岸臨坻盤石歸瓦盤拳石蒼苔蒲小有仇池今見二
乃知仙境只人間跬步不移千里至向來封國在槐枝
我今此夢真相似要知萬事孰非夢何物世間能久嗜
有人夜半欲移舟讀我此詩寧不愧

偶食鷄頭有懷萬元年沈德遠林子長橫塘三

主人

秋風一熱平湖炎滿市明珠如土賤昔也兼名鴻鴈頭
今茲始識胡孫面

原註主人謂鶴頭作胡孫面者佳

應須我輩騰著語

會有後人來作傳橫塘地主總好事凌波不過空山顛

再和

年豐豈特菱蓮芡米價新來如許賤不孫后稷由己思
誰作顏回忍飢面清朝已拜富民侯太史莫書循吏傳
我今何事不歸田豆飯芋魁甘得然

和張簿南坡

欽定四庫全書

卷一 堂集

七

春風吹水生碧鱗南坡花事日日新水流花出人間去
應有桃源迷路人四圍山色染黛綠夾道柳絲搖麴塵
碧桃和露真含笑海棠過雨猶橫陳蜜脾未滿蜂子鬧
麥穗欲齊媒雉馴滿堂金玉空為爾不博斑衣膝下春
我今家居奉慈母長年直欲齊大椿每當淑景恣遊覽
白藤肩輿數錦茵華髮映花更蕭蕭朱顏得酒能精神
授柑政類潘騎省舉觴敢望周伯仁仙家日月雖不老
人生行樂須及辰張侯故是名家子萬里碧雲看致身

竭來吾縣驚稻棘少年得祿說及親洛濱侍從追前躅
喜君有此與我均花間不用錦步障鶯蝶近前君勿嗔
雙餅姑餉千日壽待戒圓夫休厭頻

和郁簿述懷古風

莫笑當年韓與侯釣魚溫水垂纖釣鳬肩自是騰上速
安用常何薦馬周先生直氣摩崖斗肯來州縣甘低頭
往官姑欲行所學一猿未足勝衆猥平生一介重取與
邀視不義如雲浮同舍儂金初何有從者竊屨還言否
欽定四庫全書

卷一 堂集

十六

古井新來亦波浪更逢強指如山丘毀言中人以疑似
心苟無瑕何足尤雖然鏤金忘衆口此語不妄聞諸鄒
誰知三月未得祿長飢日典鵲鵲裘不作顏公乞米帖
吟詩肝腎愁鵲錢詩成險語破鬼膽我漸屬和真蠻語
顧須暇日薦所有君方有行寧少留何妨暫駕揚州鶴
猶勝他人萬斛舟

昨日於竹堂後開一逕通南坡甚近從此便於
往還遂成日涉之趣矣

先生一室如懸磬彈鋏浩歌誰復聽靈輿每出欠僕夫
塞驢試跨愁泥灣南坡日涉忍負渠寸步躑躅如折脰
偶向田頭問小溪何妨竹裏通幽徑杖藜從此便還往
出趣晨先歸及暝更違蒼頭俚一壺醉中却愛風吹醒

春蠶行

今年桑葉賤如土吳蠶最賤多於魯葉底時聞健食聲
樹頭颯颯初來雨辛勤出火條三眠車擬收功千萬縷
縣官何忍為繭絲女紅切勿事纂組愚儒請遺天下衣
欽定四庫全書

卷一 堂集

十九

各使蒼生有環堵天寒歲暮田舍翁白髮霜風吹兩股
林正甫舉似所和雙了巖詩且索同賦

君不見羅敷採桑城南路不肯輕為使君婦又不見銀
釵垂頭負薪歸四十未嫁夔州女雙了何自老山中當
年豈羨西鄰富花前帝鳥春不知月裏嫦娥夜相顧寧
為山頭望夫石儻有飛鴻傳尺素莫學巫山十二峯為
雲為雨朝還暮老奴玉鏡誰自料阿嬌金屋知何所明
珠節婦浪悲吟羅幃洛神空有賦蛾眉入宮須見妬

五言律詩

觀園夫種菜

町畦紛接壤，灌溉細穿渠。坐待佳蔬長，應須惡草除。向來師老圃，此去遂閒居。遠屋扶疎處，兼尋種樹書。

和林子長分贈丹桂韻

月挂天應惜，溪堂人與清。五枝蒙折贈，雙目喜增明。紅藥羞丹禁，彤霞避赤城。賸聞燒燭賞，有底置公榮。

原注末句

紀實

欽定四庫全書

卷一 詩集

五

雨中偶成呈天任

久雨苦不樂，吾廬亦未貧。十旬兼美醞，千畝長脩筠。睡蝶頻來夢，歌鶯皆惱人。得君新唱和，懶病起精神。

秋晚矣菊猶未開小詩述之

問訊東籬菊，如今開未開。不應辜酒伴，寧是欠詩催。屈指秋將盡，關心日幾回。霜風不相借，何意尚徘徊。酒為多多辦，花須早早開。已憇重九約，猶待兩番催。明日還何益，西風定肯回。游言空自解，蜂蝶笑徘徊。

再促花

珍重栽培意，商量仔細開。花心終有待，詩句漫勞催。莫恨三秋去，須教一笑回。但儲千斛酒，端的奉徘徊。

數詩煎迫太甚再為花下一轉語

蝶自無心懶，花應有意開。含香特珍寵，顧影尚低回。畢竟風流在，從渠火急催。浮華不相待，莊重政徘徊。

喜花開

落木驚秋晚，黃花徹夜開。便教雙蝶舞，寧與萬牛回。有

欽定四庫全書

卷一 詩集

五

酒須頻舉，將詩莫浪催。淵明千古意，為汝轉徘徊。

諸公和詩而菊開主簿沃同年乃有褒拂之語

用韻謝之

怪底花心轉，知從筆力回。不嫌嘲我瘦，良是為君開。白雪詞何有，黃鸝曲漫催。待牽重九興，籬下醉徘徊。

原注九日

沃文淵同集

句 此收張伯子尚書書報諸公有相招意因賦出